

## فكيها شوية | د. حازم شومان

حازم شومان

السلام عليكم ورحمة الله وبركاته. اخواني واخواتي في الله يعني واحنا في هزه المقابر في هزه الساعة من الليل المظلم اللي ما حدش داري فيه باي حاجة هزه المقابر نومن ونؤمن ان فيها نعيم لا يوجد مثله على وجه الارض. وان فيها عذاب لا يوجد مثله على وجه الارض. وان هنا اعظم - 00:00:03

نعيم اعظم من قصور الملوك والامراء. ونعم المليار المليارديرات. وان هنا عذاب اشد من اي عذاب واي سجون واي بؤس واي مرض واي مستشفيات واي ان هنا اعظم نعيم وهذا اعظم عذاب. قال رسول الله صلى الله عليه وسلم كان النبي عليه الصلاة - 00:00:26

جنب قبر الواحد لسه مدفون جديد. فالنبي عليه الصلاة والسلام بيقول للصحابة ركعتان مما تحقرن وتنفلون. ركعتين كده من اللي انت يعني ايه بتختار صفهم بعد الصلاة كده ولا انت بتخطفههم كده قبل اي صلاة ركعتان مما تحقرن وتنفلون يزيدهما هذا في عمله. اي واحد - 00:00:46

واحد من اهل المقابر دهمت لو احنا دلوقتي ربنا احيا لنا اي واحد وسألناه نفسك في ايه ؟ مش هيقول ارجع اروح اسبوع الساحل الشمالي ولا هيقول ارجع اروح حفلة من حفلات - 00:01:06

في مارينا ولا هيقول ارجع آآآ اعمل اي حاجة من الدنيا هيقول ارجع ليلة اصلی ركعتين لله ركعتان مما تحقرن وتنفلون يزيدهما هذا في عمله احب اليه من بقية دنياكم من الدنيا واللي فيها لو ا تعرض عليه الدنيا واللي فيها - 00:01:16

وركعتين يقول انا عايز ركعتين. فكيها شوية. يعني ناس كتير قوي بتقول لكل بنت فكها شوية. يعني لو لبست جينز استريتش ولا اتكلمت خططيتي ولا عملتي شعرك بطريقة معينة فترة وشباب فكيها شوية وانا الليلة جاية اقول لك من هزا - 00:01:36  
كان فكيها شوية ولكن يعني ايه فكيها شوية؟ الله سبحانه وتعالى يقول فلا اقتحم العقبة. وما ادراك ما العقبة! ما حدش يتخيّل ابدا في الصراط في ايه ؟ ما حدش يتخيّل عشان يقدر يجوز عقبات الدار الاخرة. ممكن يبقى محتاج حسنات قد ايه ؟ وما ادراك ما العقبة فك رقبة - 00:01:56

بعض المفسرين قالوا فك رقبة يعني اعمل اي حاجة تفك بها رقبتك من النار. لأن الاصل ان احنا رقبتنا متسلسلة في النار والاعمال الصالحة بها رقبتنا من النار فاحنا عايزين نفكها شوية. عايزين نفك رقبتنا من النار. عايزين كل يوم نفكها شوية وكل يوم نفك رقبتنا بعمل صالح. كل يوم تفك رقبتك من النار - 00:02:16

عمل صالح. الرسول عليه الصلاة والسلام لما خرج ونادي في اهل مكة قال اشتروا انفسكم من الله لا املك لكم من الله شيئا اشتري نفسك من ربنا سبحانه وتعالى. ربنا بيقول في سورة التوبه ان الله اشتري من المؤمنين انفسهم. ايه الفرق بين ده وبين ده؟ قالوا الكلمة - 00:02:36

بتاعة النبي عليه الصلاة والسلام انت اللي شاري العقد اللي بينك وبين ربنا انت اللي بتشتري من ربنا. بتشتري رقبتك بتعتقد بتفك رقبتك من النار. العقد ان الله اشتري ربنا هو اللي بيشتري. الله هو الشاري سبحانه وتعالى. قالوا العقد الاولاني يبقى فيه عقدين لازم بينك وبين ربنا. العقد الاولاني - 00:02:56

انت اللي بتشتري من ربنا رقبتك من النار. العقد الثاني ربنا بيشتري نفسك ومالك وروحك ويديك الجنة. فده عقد وده عقد العقد من اجل النجاة من النار. العقد الثاني من اجل الفوز بالجنة. فده عقد وده عقد. ده حاجة وده حاجة - 00:03:16

انفسكم من الله سبحانه وتعالى. ان الانسان ازاي يشتري نفسه؟ ازاي ان رقبته دي لا يفكها من النار؟ ربنا سبحانه وتعالى يقول واعبد ربك حتى يأتيك اليقين. بعض المفسرين قالوا حتى هنا تعليلية. يعني لو عايزه يقين لو عايزه ايمان لو عايزه قلبك يتملى زهذه في الدنيا. لو عايزه قلبك - 00:03:36

اتغير وما عدش بيقى مفتون بالدنيا. اعబدي ربنا على قد ما انت بتعتقى قلبك من الكلبات بتاعة الدنيا وحب الدنيا الدنيا فكيها شوية. انا جاي اقول ايه من هزا المكان الموحش. من جانب هذه القبور. كم بنت شابة مدفونة هنا؟ كم شاب جميل مدفون هنا؟ التراب اللي على الارض - 00:03:56

الارض ده يا جماعة ممكن كان عضلات آآباي وتراي لاقوى شاب من شباب المكان اللي احنا فيه دهو كله. ممكن كان وش وملامح وعيينين ورسم عينين ورسمة شفافيف. اجمل بنت في البلد داهي كلها. ما حدش عارف وبقى في النهاية تراب. بقى في النهاية المكان اللي انا واقف فيه ده. نظرة تحت ونظرة فوق - 00:04:16

تعرفنا كل حاجة. نظرة تحت للترايب اللي كانبني ادمين. من خمسين سنة من ميت سنة. ونظرة تعرفك مين هو البنبي ادم. وتعرفك ايه هو الانسان عجزه وضعفه ونظرة فوق للمنزد الرهيب والسماء والسحب والقمر تعرفنا ما هو جلال الله وما هي عظمة الله فنظرة - 00:04:36

وفي الارض للمقاير تعرفنا ما هو الانسان. ونظرة في السماء تعرفنا من هو الله. فانت هنا بتعرف من هو المخلوق ومن هو الخالق.  
يعني الواحد يخرج من هنا عارف الحقيقة كلها اشتري نفسك من الله. اشتري رقبتك من الله فكيها شوية. بيقى - 00:04:56  
في الدنيا ممكن تلاقي والدتك بتقول لك شو في لك بنطلون جينز آآبسبيه يا بنتي وانت نازلة الجامعة لازم يعني تتكلمي لازم يعني تبصي لقادم لما تيجي اتجوزي مين هيتجوزك لو ما فتحتنيش علاقات ولو ما اتكلمتنيش ولو ما ضحكتنيش ولو لبسك ما اتغيرش فكيها شوية. وربنا بيقول لك فكيها شوية. بس فكي رقبتك - 00:05:16

من النار. فكيها شوية بانك انت تلبسي حجاب امهات المؤمنين. فكيها رقبتك من النار فكيها شوية. بانك انت ما تحطيش على وشك اي حاجة تغضب الله فكيها شوية انك انت ما تعمليش اي علاقة تندمي عليها لو دخلت القبر ده. فكيها شوية انك انت ما تكشفيش من شعرك اي حاجة. تندمي عليها لو - 00:05:36

قبلت ربنا فكيها شوية فكي رقبتك بالعفاف. فكي رقبتك من النار بالطهارة. فكي رقبتك من النار بعدم الاختلاط المحرم. فك رقبتك من النار. بالصبر في ميعاد الصلاة فكي رقبتك من النار بصلة الفجر. المكان الموحش الضلعة الرهيب اللي الناس كلها معدية رايحة جاية عليه. وما حدش بيقف يفكر - 00:05:56

ما حدش بيعرف يفكر الناس دلوقتي بتفكر في ايه؟ الناس دلوقتي ما كنتش تتخيل القبور دي كلها اللي بقى له عشرين سنة واللي بقى له تلاتين واللي بقى له خمسين واللي بقى له عشرة واللي بقى له خمسة - 00:06:16  
نتخيل يا جماعة يعني ايه ليلة واحدة جوة القبر؟ يعني ايه ساعة واحدة جوة القبر؟ يعني ايه دقيقة واحدة جوة القبر؟ الوقتي الناس دي كلها فهمت. احنا محتاجين نفهم ومحاجين نطبق قول الله سبحانه وتعالى فك رقبة. ازاي نفك رقابنا من النار بالعمل الصالح؟  
نسؤال الله سبحانه وتعالى ان يجعلنا من اهل اليقين - 00:06:26

ومن اهل الزهد في الدنيا ومن اهل البصيرة وان ربنا ينور قلوبنا بحقائق الدين. وان احنا نفهم الفارق ما بين الدنيا والآخرة. قبل ما نبقى من اهل الآخرة فنعمل لله الاعمال الصالحة. مش لما ندخل هزا المكان نتصدم وكاننا فوجئنا ان احنا هنعيش هنا كذا الف سنة قبل ما يوم - 00:06:46  
يا ميؤوم - 00:07:06